

# KJARASAMNINGUR

fjármálaráðherra f.h. ríkissjóðs  
og  
Matsveinafélags Íslands vegna  
starfa félagsmanna þess hjá  
Hafrannsóknastofnuninni

## 1. gr.

### Samningstími

Síðast gildandi kjarasamningur aðila framlengist til 30. apríl árið 2004 með þeim breytingum og fyrirvörum sem í samningi þessum felast og fellur þá úr gildi án sérstakrar uppsagnar.

## 2. gr.

### Laun

Laun og launatengdir liðir verða frá 1. desember sl. samkvæmt launatöflu í fylgiskjali 1. Að öðru leiti breytast laun á samningstímanaum eins og hér segir:

1. janúar 2001	4,55%
1. janúar 2002	3,60%
1. janúar 2003	3,50%

## 3. gr.

### Desemberuppbót

Starfsmaður í fullu starfi sem er við störf í fyrstu viku nóvembermánaðar, skal fá greidda persónuuppbót 1. desember ár hvert. Með fullu starfi er átt við 100% starf tímabilið 1. janúar til 31. október.

Hafi starfsmaður gegnt hlutastarfi eða unnið hluta úr ári, skal hann fá greitt miðað við starfshlutfall á framangreindu tímabili. Fyrir hvern mánuð í fullu starfi á umræddu tímabili greiðist 1/10 hluti af persónuuppbót.

Á sama hátt skal einnig starfsmaður sem látið hefur af starfi en starfað hefur samfelld í a.m.k. 3 mánuði/13 vikur á árinu, fá greidda persónuuppbót miðað við starfstíma og starfshlutfall. Sama gildir þó starfsmaður sé frá störfum vegna veikinda eftir að greiðsluskyldu stofnunar lýkur eða í allt að 6 mánuði vegna fæðingarorlofs. Persónuuppbót er föst krónutala og tekur ekki hækkunum skv. öðrum ákvæðum kjarasamningsins. Á desemberuppbót reiknast ekki orlofsfé.

Persónuuppbót fyrir fullt starf á tímabilinu 1. janúar til 31. október ár hvert verður sem hér segir á samningstímanum:

Á árinu 2000	kr. 28.200
Á árinu 2001	kr. 29.000
Á árinu 2002	kr. 30.000
Á árinu 2003	kr. 31.000

#### 4. gr.

##### Orlofsuppbót

Hinn 1. júní ár hvert skal starfsmaður sem er í starfi til 30. apríl næst á undan, fá greidda sérstaka eingreiðslu, orlofsuppbót, er miðast við fullt starf næstíðrið orlofsár.

Greitt skal hlutfallslega miðað við starfshlutfall og starfstíma.

Orlofsuppbót á samningstímanum verður sem hér segir:

Á orlofsárinu sem hefst 1. maí 2000 verði orlofsuppbót kr.	9.400
Á orlofsárinu sem hefst 1. maí 2001 verði orlofsuppbót kr.	9.600
Á orlofsárinu sem hefst 1. maí 2002 verði orlofsuppbót kr.	9.900
Á orlofsárinu sem hefst 1. maí 2003 verði orlofsuppbót kr.	10.000

Hafi starfsmaður látið af störfum á orlofsárinu vegna aldurs eða eftir a.m.k. 3 mánaða/13 vikna samfelld starf á orlofsárinu, skal hann fá greidda orlofsuppbót hlutfallslega miðað við unninn tíma og starfshlutfall. Sama gildir ef starfsmaður var frá störfum vegna veikinda eftir að greiðsluskyldu stofnunar lýkur eða vegna fæðingarorlofs allt að 6 mánuðum. Orlofsuppbót er föst fjárhæð og tekur ekki breytingum skv. öðrum ákvæðum samningsins.

Á orlofsuppbót reiknast ekki orlofsfé.

#### 5. gr.

##### Viðbótarframlög til lífeyrissparnaðar

Viðbót við grein 9.1 orðist svo:

Í þeim tilvikum sem starfsmaður leggur til viðbótarframlag í séreignarsjóð greiðir vinnuveitandi framlag á móti með eftirfarandi hætti:

1. Frá 1. janúar 2001 skal móttframlag vinnuveitenda vera 1% gegn 2% framlagi starfsmanns.
2. Frá 1. janúar 2002 skal móttframlag vinnuveitenda nema 2% gegn 2% framlagi starfsmanns.

6. gr.

**Samningsforsendur**

Komi til þess að nefnd Alþýðusambands Íslands og Samtaka atvinnulífsins sem fjallar um forsendur kjarasamninga nái samkomulagi um almenna launabreytingu eða að launaliðir kjarasamninga séu uppsegjanlegir, skal sama gilda um þennan samning.

Reykjavík, 20. desember 2000

F.h. samninganefndar ríkisins  
með fyrirvara um samþykki fjármálaráðherra

F.h. Matsveinafélags SSÍ  
með fyrirvara um samþykki félagsmanna



F.h. Hafrannsóknastofnunarinnar



## YFIRLÝSING

**Hafrannsóknastofnunarinnar  
með kjarasamningi  
fjármálaráðherra f.h. ríkissjóðs  
og  
Matsveinafélags Íslands  
undirrituðum 20. desember 2000**

Um breytingu á slysatryggingu félagsmanna Matsveinafélags Íslands sem starfa á skipum Hafrannsóknastofnunarinnar. Kostnaðarhækkun af neðangreindri breytingu greiðist af Hafrannsóknastofnuninni og viðkomandi matsveini. Hlutur matsveins greiðist með 10 unnum yfirvinnustundum á ári.

### 1.

8. kafli um tryggingar og bætur á eignum breytist sem hér segir:

2. mgr. gr. 8.1.2 í kjarasamningi aðila orðist svo:

Bætur úr vátryggingu þessari skulu ákvarðast á grundvelli reglna skaðabótalaga nr. 50/1993 með síðari breytingum og um hana skulu að öðru leyti gilda almennir skilmálar fyrir slysatryggingu sjómanna hjá aðildarfélögum Sambands íslenskra tryggingafélaga. Bætur má lækka eða fella niður ef tjónþoli hefur valdið slysi af ásetningi eða stórkostlegu gáleysi.

### 2.

Viðbót við gr. 8.1.3:

Eigi tjónþoli rétt til bóta úr lögboðinni ábyrgðartryggingu ökutækis eða slysatryggingu ökumanns og eiganda, skerðast bætur úr þessari vátryggingu sem því nemur.

### 3.

Framangreind trygging gildir frá 1. janúar 2001 að því tilskildu að kjarasamningur milli Matsveinafélags Íslands og fjármálaráðherra f.h. ríkissjóðs sem undirritaður er í dag, verði samþykktur. Kostnaður vegna tryggingar þessarar er í eigin áhættu ríkissjóðs.

Reykjavík, 20. des. 2000.

F.h. Hafrannsóknastofnunarinnar



Launatafla Matsveinafélags Íslands hjá Hafrannsóknastofnuninni

**YFIRMATSVEINN-hagræðingartaxti**

**01.12.2000**

	Mánaðarlaun	Dagkaup 1/21,67	Vaktatillegg
Byrjunarlaun	140.457	6.482	77.584
eftir 3. ár	145.373	6.708	80.299

**01.01.2001**

	Mánaðarlaun	Dagkaup 1/21,67	Vaktatillegg
Byrjunarlaun	146.848	6.777	81.114
eftir 3. ár	151.987	7.014	83.953

**01.01.2002**

	Mánaðarlaun	Dagkaup 1/21,67	Vaktatillegg
Byrjunarlaun	152.134	7.020	84.034
eftir 3. ár	157.459	7.266	86.975

**01.01.2003**

	Mánaðarlaun	Dagkaup 1/21,67	Vaktatillegg
Byrjunarlaun	157.459	7.266	86.975
eftir 3. ár	162.970	7.521	90.020



Launatafla Matsveinafélags Íslands hjá Hafrannsóknastofnuninni

**MATSVEINN-hagræðingartaxti**

01.12.2000

	Mánaðarlaun	Dagkaup 1/21,67	Vaktatillegg
Byrjunarlaun	112.371	5.186	61.766
eftir 3. ár	116.304	5.367	63.929

01.01.2001

	Mánaðarlaun	Dagkaup 1/21,67	Vaktatillegg
Byrjunarlaun	117.484	5.422	64.577
eftir 3. ár	121.596	5.611	66.837

01.01.2002

	Mánaðarlaun	Dagkaup 1/21,67	Vaktatillegg
Byrjunarlaun	121.713	5.617	66.902
eftir 3. ár	125.973	5.813	69.244

01.01.2003

	Mánaðarlaun	Dagkaup 1/21,67	Vaktatillegg
Byrjunarlaun	125.973	5.813	69.243
eftir 3. ár	130.382	6.017	71.667

